

建寧府志卷之三十二

人物

良吏

宋

李虛已字公受建安人父寅仕南唐有清節入宋登雍熙二年進士為衢州司理叅軍出倅南昌虛已少從寅修學廬山先寅登第調沈丘尉遷殿中丞提舉淮南茶場官知遂州遂一作榮時太宗勵精政事命選中外能吏給錢賜之與賜二十

建寧府志

卷之三十二

良吏

二百八十一

衍

餘人虛已為首因獻詩自陳父子遭遇榮及祖母太宗悅賜五品服更賜其祖母錢五十萬本賜錢五十緡耳遂誤作萬論者為虛已篤行家貧殆天賦也會遣使察川陝吏復與薛顏邵擘查道等數人以能稱遷屯田員外郎通判洪州召為侍御史出提點荆湖南路刑獄徙淮南運副累遷兵部郎中以龍圖閣待制判大理寺與查道等同備勸講久之乞外真宗稱其儒雅循謹特遷右諫議大夫出知河中府召權御史中

丞進給事中知洪州遷工部侍郎徙池州求分司南京卒虛已性夷曠事親孝喜爲詩晏殊其壻相與唱酬有雅正集二十卷行于世

曹脩睦字公臣建安人大中祥符進士累知邵武縣遷殿中丞知鬱林州聞母疾委州印於其佐北走歸道未至被喪哀瘠過禮服除判泉越二州知邵武軍景祐中用薦爲御史改司封出知壽州移泉州鑿湮塞渠田以復逋租坐舉者奪司封去官後起知吉州上書休官不聽分司南

建寧府志

卷之三

良吏

二

三百廿一

京既而嘆曰不事事而受祿不可謂廉復申前請許之章得象表其高節詔還所奪官居數年聲聞益達朝廷以紫衣金魚就第褒之用聳動天下范仲淹嘗贈以詩云泉南曹使君詩源萬一以復我百餘言疑登孔子堂聞之金石音純純自宮商

張式字景則先浦城人徙建安登進士主將樂簿邑有銀冶坐歲課不足繫者常數百人式籍其人使貧富財力相兼課遂羨除祥符尉趙稹將

并州辟軍事判官穉所爲有不可徐啓諭弗
穉以故聽而式亦以此稱長者呂許公罷相以
許州觀察判官辟之又通判饒州一言而決數
十年不決之獄會擇河北御史中丞舉式得洛
州賜緋魚又遷知虔州三司市紬絹十餘萬非
經數式拒弗聽再知濠壽二州人縊其妻以自
殺告獄旣具詰之立服名爲開封府推官時宮
中以私財爲佛寺置田疏罷止之趙元昊反時
誘人出私財助軍誘多者得賞於是吏或劫富
不治田宅所得祿置書遺子孫

章岵建安人寶元元年登進士知蘇州湖海暴風
民多漂溺請蠲租賑恤鋤治奸吏豪右懾畏詔
書褒美

李虛舟字公濟建安人以兄虛已蔭爲郊社齋郎
調閩清靖安尉俱有能名遷餘干令毀淫祠建
夫子廟坐事免後授校書郎知德安縣不就晏

殊為請于朝乃除太子洗馬致仕終尚書虞部
郎中

陳邠字彥聖建安人登嘉祐間進士調廬州司法
叅軍再授歙州推官後知崑山縣值歲饑屬邑
希部使者旨不敢蠲賦邠曰歲饑而賦不蠲何
以字民卒蠲之後為司農丞未嘗謁政府遷太
府請外除福建轉運使元符中以元祐黨廢後
復官朝奉大夫卒邠性剛亮歷官五十年帑無
贏貲退無居廬舊吏以邠貧餽金數百兩竟不

建寧府志

卷之三

長吏

四

二百八十八

受

閩書舊志嘉祐
進士係建陽人

葉康直字景溫建安人知光化縣縣多竹皆編為
屋康直教用陶瓦以寧火患與穀城令豐稷同
時人歌之曰葉光化豐穀城清如水平如衡元
祐初知秦州夏人侵甘谷戒諸嚴設伏待殲其
二將進寶文閣待制陝西都運使以疾請知亳
州通濬積潦民獲田數十萬畝名為兵部侍郎
而卒

徐壽字君朋建安人知泰寧縣會改鹽法州縣令

民計口買鹽民苦之壽不肯從願納袍笏邑人
繪像祀之元祐中按察使張汝賢以狀聞特收
京秩

謝燾字志遠建安人少穎邁通貫經史登紹聖元
年進士授邵武推官岳飛趙康直聞其政美同
日薦之改通直郎知光澤縣累官知衡州致仕
歸

翁谷字子靜建安人政和間進士宣和三年權知
崇安廉介善幹浙寇邇閩境甚熾團結鄉兵立

建寧府志

卷之三十一

長吏

五

三百一

以

二寨控扼之時與黃琮陳麟號閩部三循吏提
刑俞向惡其不附已誣以他罪奏貶循州道死
人咸寃之靖康初臺評論列始獲昭雪

熊適字述之建安人登重和元年進士初丞順昌
與丘之立同時事事與協濟縣當兵後政無不
舉調建德令歷台州臨江通判爲人明敏而寬
裕有長者之德未老掛冠胡寅深器之

王以詠字永言建安人宣和六年進士初調江陵
府刑曹知含山縣方金人勢熾鄴瓊輩相繼斃

逆兩淮蹂踐所至蕭條詠拊摩邊邑安靜不擾
爲劉琦所知大將岳飛尙書趙康直同日論薦
改通直郎知光澤縣疏剔滯訟剖決如流累遷
知衡州終其任未嘗妄費帑有積鏹或以羨餘
獻詠曰積帑在官物吾不忍爲也後官至朝散
大夫

葉薦字宋穎建安人建炎進士調候官丞紹聖中
爲福建帥幕汀寇起遠近驚擾薦被檄直造巢
穴諭以禍福賊黨聽命又調羅源令率民築白
柯塘以捍田百餘頃民立祠刻石以報

建寧府志

卷之三

良吏

六

二百九十二

似

江安止字元靜建安人南渡初知麗水撫安善良
嚴於治盜隣寇至率衆禦之境內無虞代還之
日民泣以送

丘之立字斯行建安人建炎二年成進士紹興初
知順昌廉明仁惠縣遭兵後力撫摩之政先農
業田荒者借種與牛寬其租限訟息刑簡民日
阜安

謝天民字彥先建安人紹興十年知饒遊縣有興

學起廢之功又置田積歲收爲異時修葺計天
民雅有文藻所著學規模瞻有體

周明仲字居晦建安人乾道間進士好讀書有志
當世官宣教即淳熙甲辰常平使者宋若水知
其賢以魏元履所立建陽長灘社倉事屬之明
仲力爲振葺兼文公夏貸冬歛收息什二之法
行之三年什二之收歲以益廣文公爲作記稱
之

黃由庚字道卿建安人乾道中知南康猾胥奸民

建寧府志

卷之三十一

良吏

七

三百十六

儀

表裏夤緣由庚正其詭俠破其囊橐田里晏然
李大正字正之建安人乾道中尉遂昌去爲會稽
令念遂民不忘求知其邑事既至判滯案均賦
稅淳熙中由提點知南安軍理賦稅計利害皆
窮源剔末所蒞事判決如流毫髮快人心

葉文炳字晦叔建安人舉進士調晉江簿遲次家
居致書請益於朱文公及至官文公告以居官
臨民之法時顏師魯爲守事多咨之決汀州境
上豪民相讐敵帥張忠定選官撫諭衆皆憚行

文炳獨請往既至折之以理諸豪皆伏再攝獄
攝舶拒絕苞苴不遷就公卿貴人請師魯以與
徐誼陳傳良並舉於朝秩滿調筠州錄叅前後兩太守
丞未上服母喪既闋調筠州錄叅前後兩太守
寬嚴不同文炳砥其所偏資助之嘗言獄事至
重當顧理是非不敢徇喜怒獄有巨援文炳爭
守入之守有所欲入文炳故緩其事待其自寬
露既前後守多媿以服邊事作調兵於州營卒
憚行頗洶洶文炳諭以國家豢養厚恩使奮前
戮力復白州優賞之皆聽命改秩知仙遊決累
年滯訟出死獄增廩養士像故相葉正簡公於
學富室有不便民者累政不能奪聞部使者窮
治之差役久爲平民害勸立義役均產通差故
例建工役責之僧利文炳秋毫無所專配每與
同官語曰貪污自多欲尙侈始小官俸廩幾何
百爾皆欲如意不受賂安從得清心寡欲正本
澄源乃吾儒功用秩滿造朝會有旨許曾作縣
人言事文炳條便宜三事以獻通判和州將之

官服父喪尋卒

李勲建安人慶元間進士知漳州建小學以教民
真西山稱其著文章之錄長政事之科

陳梓字處恭建安人局之孫慶元五年進士任荔
浦尉轉贛丞李元礪叛洞獠反側州擇屬慰撫
皆憚往梓曰苟利於人吾何愛死深入與其獠
長來州欲殺之竟以力爭得全州後有事于洞
拒曰必得陳縣丞乃可辟令信豐治妖誣劄課
試以勸士改知寧化通判南雄以薦知南恩到

建寧府志

卷之三十三

良吏

九

三百〇七

似

郡始視事例取公鏹若干梓却之有持一鹿獻
者梓如直償之未幾江寇竊發移鎮南安寇相
戒不敢犯境陞本路漕使屬部有餽贖斥去更
以例冊進曰某也可梓曰非君賜皆不可就領
安撫司事屬歲不登極力講求荒政卒爲稔歲
卒年六十六官至朝請大夫

王洪之建安人嘉定間知沙縣廉明不苛時稱能
吏召拜大理評事

吳勢卿字安道建安人寶祐中知處州大旱勢卿

行義倉法計口勸分松揚盜起率民義勦平之
尤留心學校親講四書西銘以淑後生

姜明建安人知福州安集逃移建理庶務人安政
平稱聲一時

徐奭字武卿甌寧人博學能詩賦試進士第一天
聖初爲兩浙轉運使蘇州多水患奭度赤門以
東築土石爲堤九十里架橋四十餘以濟不通
詔書褒美後召知開封府

吳師服字夢得甌寧人天聖進士歷知蒙州儂寇

建寧府志

卷之三十三

良吏

十

三百一十二

似

犯境師服度州無城兵不能抗乃籍帑庾所儲
均屬諸大姓使輦而藏之且聽民避賊獨佩州
印以守賊知無所得引去改知邵武軍節武產
金而品最下朝廷欲罪主藏者侵盜欺貢之罪
師服力爭之坐謫後事直起知袁州請祠以職
方郎中致仕元符中卒壽百歲子杅

魏宏字損之甌寧人司理岳州有囚不承罪閉口
不食宏引問曰塞若鼻則奈何囚懼自服人問
其故曰彼必善服氣塞鼻則氣結故懼後遷朝

奉即所歷多善政

徐洪字儒興甌寧人父舉尚書屯田郎中洪爲人有大志讀書明治亂得失之大旨爲文長于辨說未冠聲聞籍甚初登進士除洪州司戶叅軍不就居八年以父命始強出爲金谿主簿非其好也然不以懈其職篤於愛民金谿富人錮山林之利數十年洪始奪之而貧人賴其利攝安遠事卒曾南豐銘其墓

謝麟字應之甌寧人嘉祐四年進士調會昌令民

建寧府志

卷之三十一

良吏

十一

三百十六

似

有被酒夜與仇鬪者旣歸而所親殺之因誣仇麟廉知死者無子所親利其財殺之一訊得實再調石首令縣苦水患麟爲石堤障之人得安堵號謝公堤通判辰州章惇使湖湘招沅州薦爲守徭賊犯辰溪麟且捕且招一方以寧詔使經制宜州獠洞降其種落四千八百人納思廣洞民千四百戶得鎧甲二萬褒賜甚渥加果州刺史知涇邠二州元祐初復以朝議大夫直秘閣知潭州加直龍圖閣歷徙江寧鳳翔等府渭

桂二州融江有蠻警以計平之戍兵從北來不
服水土麟部土人使戍南而北兵只屯近郡賴
以全者甚衆卒于官

詳見宋史本傳

吳斌字頤道甌寧人崇寧中爲開封府推官高麗
自元豐後踰三十年不修貢棧以給事中往諭
還知開封府進工部戶部侍郎坐累削秩知單
州爲宓子賤巫馬期二賢請立祠朝旨賜額改
知宛丘公帑饒富有庫二十四棧書其門曰陳
宛丘賜食錢餼吏士秩賓筵勿浪費法最先保

建寧府志

卷之三十三

良吏

十二

三百二十八

儀

終吉禮如泉大觀初知蘇州陳州河中成都府
召入奏事除兵部侍郎尋除龍圖閣直學士再
鎮成都陞辭徽宗稱其清謹循良後知中山府
張敦書字載道甌寧人進士爲弋陽丞攝邑事政
平訟理邑人爲立生祠陞江夏令卒官

吳安中字德固甌寧人進士宣和中爲建德丞方
臘竊發青溪安中招降旁盜有功特除御史臺
主簿歷知桂陽監瓊州所至有聲

陳高字純中甌寧人進士通判信州有詔發郡兵

戍江淮郡兵欲因爲變局方攝郡取首謀竄之
旋加撫諭遂懾伏以朱倬薦被召陳康伯郡人
也乞且留治所除知信州加直秘閣遷提舉淮
東常平茶鹽公事乾道間劉琪再薦除江淮坑
冶鑄錢使

陳元裕字德寬甌寧人博學能文紹興十二年廷
對力詆和議試教官入等分教明州湯鵬舉爲
御史首薦之召除將作簿

黃洧字清臣甌寧人父銳崇寧進士官至朝請郎

建寧府志

卷之三十三

良吏一

十三

三百二十二

洧以蔭補官事母極孝初調高安尉再調興化
司理廉潔自律不承順風旨孝宗朝遷廣東轉
運判官嶺右錢法弊甚丁賦逋欠尤爲民害洧
一切奏罷之深入瘴鄉問民疾苦移漕湖南行
部至衡陽聞柳桂蠻徭爲變間道一夕至郴城
賊驚潰發廩賑給亂遂定官至朝請郎

陳洙字聖涯甌寧人刻苦力學隆興初試南宮對
春秋大義論議精深胡銓奇其文欲以魁多士
詘于異議不果孝宗時胡銓薦其學有師法於

書無不觀歷知安豐縣興崇學校括廢田養士
修芍陂復灌溉利民至今賴之素重義好施家
無贏餘有以貧告貸者鬻產不靳官終奉議即
翁德廣甌寧人進士淳熙中以朝奉知龍溪縣實
意愛民不爲赫赫聲朱文公守漳時以刑獄詞
訟財賦三事察其施爲則見縣所解徒流以上
罪州司理院再行審鞫囚無異辭以爲縣得情
矣而刑獄清縣理訴牒日百餘紙巧僞詆調姦
詐百出隨事處決終朝而畢而未嘗有加責留
而薦之朝

黃自然字元輔甌寧人嘉定末教授郡學以理學
誨諸生齋宿問辨率至夜分及漕廣西猶擬俸
餘助修禮殿官至吏部侍郎

楊澈字晏如徽之宗人也世家建陽父思進晉天
福中北渡海因家於青州之北海累佐使幕澈

公曉警七歲讀春秋左氏傳卽曉大義年十六
思進爲鎮趙從事會昭慶令缺使府命澈假其
任時河決隣郡府督丁役甚急澈部徒數千經
大澤中多蘆葦令採刈爲筏順流而下旣至執
事者訝以後期俄而葦筏繼至駭而問之以狀
對乃更嗟賞建隆初舉進士尋遷青州司戶叅
軍知州張全操多不法澈鞫獄平允無所阿太
祖知其名召試禁中出知渠州江南平改通判
處州令就大將曹彬分兵以行旣入境僞帥郭

建寧府志

卷之三十一

良吏

十五

三百八

全

再興擁兵自固澈單騎直趨其壘諭以朝廷威
信再興卽奉符歸服累轉祠部郎中

舊志作浦城人

阮中度字正甫思道從子博學尤邃于易登端拱
二年進士居官所至有仁恕聲嘗幸密城縣盜
過境私相戒曰長官賢者勿暴其民除御史官
至員外郎卒

江翺建陽人文蔚之侄累官汝州魯山縣令邑多
曠土枯旱翺以爲宜早稻乃自建取種教民種
之自是皆爲廩田

呂齡字大年建陽人年十七試海不揚波賦楊
億稱其奇才咸平初進士甲科仕劍州有異政
爲張詠所知後得代徒行北歸詠貽以乘馬仍
薦於朝終殿中丞

陳儼字仲莊建陽人進士爲安福簿歲饑請郡發
賑不聽乃自發之守怒遣吏詰之答曰安有民
饑將死而父母坐視不卹乎乃出誥勅付吏上
狀自劾守慚而止攝常熟令興利除害濟福山
河以溉田終泰州推官以子升之貴追贈太師

建寧府志

卷之三十一

良吏

十六

三頁八十六

魏國公

江翊字仲明建陽人進士醇謹廉明少力於學初
授沙陽尉歷遷武平象山永春三邑令任永春
尤久八年乃歸爲政崇大體尙寬和所至吏民
懷之

江鈿字元飾建陽人進士善詩文爲張魏公劉信
叔所推重紹興初賊范汝爲戰敗鳳凰山郡以
鈿爲本縣令鋤散餘黨遷湘潭令監司薦才堪
應劇官終左丞

施祕字子安建陽人建炎間以門蔭知寧化縣葉
儂叛虛聲欲取汀裨率所部民守隘卒不敢犯
帥司檄巡尉領弓級會建安弓級中途懼不進
欲殺尉以應亂尉知給之還至郊又不入境裨
撫定之後仍不悛裨取其尤三十人寘重辟自
是肅然累遷朝奉大夫知梧州

吳櫪字行遠一字子全建陽人進士知長汀縣每
於耕歛之際聽囚歸業業畢復來無後期剖決
曲直多所原貸百姓化之幾於無訟又請於郡
乞運鹽就官貸本俾胥吏掌之而收其贏縣計
饒羨遂免配民請買之擾秩滿老穉感泣遮道
丐留後任朝奉郎通判建昌軍卒

范如璋字仲達如圭弟建陽人爲袁州萬載令行
保伍法奸宄無所容每有疑似之人保伍必互
相傳送至縣縣驗其無他方令傳送出境訖任
滿縣無一盜後朱熹求得其法于袁守張定叟
且曰此人有心力自來言保伍之法未有及之
者

陳煥字其萃建陽人進士紹興間尉順昌寬和
靜善政甚多人號陳佛子

吳居仁字溫父建陽人父睿知候官縣有廉聲居
仁以特科歷古田尉融州節度推官所至以儒
飭吏治聽訟必以人倫大義斷曲直部使者下
其所斷為州縣式居官奉法不妄有所取比歿
無以為殮同僚致賻始克以喪歸朱元晦稱為
真廉吏

劉填字仲撫建陽人炳之子進士除撫州教授尋

建寧府志

卷之三十一

良吏

十八

二百九十三

全

轉廣東運屬有風裁胥吏悚畏知將樂縣邑多
強宗大姓私為西犴拘禁負債者幾千人填覘
知悉啓關縱之豪石褫魄不敢犯卒于官人咸
惜之

游義肅字秉孫建陽人嘉熙間知連江修學宮益
田贍士浚東湖復九井創平糴倉成南江橋築
栢公堤連江人植碑紀之

宋秉孫字彝父建陽人進士篤志勵行博學能文
初知建寧縣值歲歉悉力賑給有刳民穀者卹

戶諸市以狗邑舊無城壁度地興築後倅木
又撥餘鹽錢置田爲繕修費官至朝奉大夫尙
書主管架閣文字入元不仕吟咏自娛

張嶠字昇山崇安人霽之子五季之亂隱居武夷
山霽入仕周南唐主遣使召嶠不就遂拘以往
江南歸宋除歙州通判適廬山盧絳竊發嶠與
太守龔慎儀設方畧禦之賊勢方盛郡兵單弱
或請少避嶠不聽曰吾不敢負國有死戰而已
盜亦隨息官至司門員外郎請老歸尋召入朝

建寧府志

卷之三十一

良吏

十九

三百廿一

王

太平興國間克右贊善大夫知博州遷御史中
丞贈工部尙書

張岐字邠卿崇安人霽次子登端拱二年進士官
大理司直事至立決見知真宗屢遣決諸路疑
獄遷將作監丞至道末坐累出知永新縣政尙
廉簡吏不能欺民匿產避賦所司每責吏代輸
岐按籍盡得其隱賦入如故改秘書丞知瓊州
兼刺崖儋萬三州及轉運漕事瓊俗悍朴牧守
御得其道則歲時以香蠟魚果爲獻否則羣起

爲盜岐至鎮以清淨却餽獻民服其廉介其地
多颶風能拔屋俗謂之海翻岐教以立屋之法
患由是息改通判漕州移瀛州卒

張傲字希古崇安人鬻孫嶠子也淳化三年進士
調崇仁令修梓堰萬金陂以增灌溉蠶嘗寇近
境視傲有備亟引去遷光祿寺丞監鎮州糧料
真宗幸澶淵聞傲名遷太常博士仁宗時歷知
容亳泰泗岳吉六州會江淮發運使張綸修復
海堰舉傲自代再命知泰州復歷數郡官至工

建寧府志

卷之三

長吏

二十

三百十五

部侍郎贈尙書

劉滋字潤之崇安人景德進士歷官南劍州州有
黯淡灘善覆舟滋卽灘旁開港以殺其勢歷典
九郡皆有惠政官至職方郎中

吳評字正詞崇安人登景祐元年進士調鄞縣尉
浙東大旱部使者諱言旱傷評以實報守臣驚
曰如是必得罪評曰君子從仕豈顧己之利害
苟患失之無所不至矣郡有大辟獄評以法訊
忤守意移獄他司奏上書獄者俱坐罪薦通判

常州濟鶴溪自蘇州引湖灌溉治平中移知懷安自雲頂山開羊腸溪十餘里入城通濟神宗時以職方郎中守南京召爲太常寺少卿判太常禮院出知萊州復興水利力請祠歸趙并陳襄蘇頌表評才氣過人不宜處散地除授不赴會朝廷興水利許自陳或勸其以前功自叙評曰吾已在列卿若叙功寧不自愧竟乞致仕官至中大夫開國侯

王鬲字景和

或云王審知族

崇安人登皇祐進士累官著

建寧府志

卷之三

良吏

二十一

三百二十七

作郎知雩都縣民素罷訟鬲感之以誠圖古好義者列其事以勸逾年訟息縣南有泉可灌田數千頃忽產鉛錫使者欲置官冶鬲力爭曰鉛錫之利有時而竭數千頃沃壤可盡廢乎遂寢其議政課江西晁王安石欲進用之鬲未嘗一造相府遷朝議郎判婺州致仕卒

翁仲通字濟可崇安人嘉祐二年進士爲山陰尉鏡湖水門舊以木爲之木腐而水洩仲通易之以石民享其利改鄞縣海寇剽劫仲通追至黑

水擒之遷汀州武平令地僻陋人不知書仲通
買地建學以教吏民子弟之秀者自是儒風稍
振除著作郎監洪州米倉召赴闕議不合求便
親養簽書與化軍郡有秋蘆陂歲築多費仲通
相地徙之號太平陂後以秘書丞知台州黃岩
縣縣之河流不治仲通爲浚之時部使者令以
錢代租仲通曰歲不可恃乞止令輸米治厥儲
之既而浙東大饑黃岩獨賴此以濟簽書威武
軍後以親歿不逮養致仕官至朝奉郎累贈銀

建寧府志

卷之三

良吏

三十一

三百廿七

青光祿大夫開府儀同三司有文集十卷

詹範字器之崇安人進士知惠州蘇子瞻謫其地
與之賡唱甚歡子瞻贈以詩云箕踞狂歌老瓦
盆燎毛燔肉似羗渾傳呼草市來携酒酒掃魚
磯共置樽山下黃童爭看舞江干白骨已啣恩
孤雲落日西南望長羨歸鴉自識村是時範葬
暴骨故詩中及之

吳仲虎字公炳崇安人元豐五年進士爲人輕財
重義未仕時有田數十畝旣仕悉以頒族人每

曰當官之法無他惟清勤寬謹而已尋爲密州
司理有商夜宿旅舍同邸有殺人者逃去商爲
吏所執不能自明遂誣服仲虎爲白于守守不
聽趣具獄仲虎力請寬之未幾果獲正贓人皆
伏其明後仕至石州通判權知英州致仕卒

翁彥約字行簡崇安人仲通長子以父任遜第兩
舉于鄉皆首選應詔上格言二十篇政和二年
登第調龍興尉改常州刑曹江淮發運使入奏
事徽宗問所部人才首以彥約對驛名爲詳定

建寧府志

卷之三

良吏

三

三百三十六
日

九域志編修官累遷太常博士修因革禮陳瓘
見而噐之請外提舉河北西路學事陞辭言朝
廷舉入行復試以文與立法初意異請俱與廷
對以示詳行畧文之意至河北薦拔人才訪問
疾苦講求實邊制勝之策除知高郵軍鄒當淮
孔道茶鹽私貿之禁最嚴彥約不能爲寬弛顧
有告者亟決之吏習故猶欲枝蔓彥約曰兩獄
克斥若等尚恨少耶吏驚愕失對歲大旱以禱
祠積勞得疾或以尤之曰民蘇吾病吾無憾矣

疾亟乞休章未報卒行道之人莫不出涕曰失賢守也彥約爲文精微淵博尤長于詩有集十卷

章元振字時舉崇安人政和五年以舍選中第調洪州分寧尉時有富家被盜僕獲之盜懼自經死僕恐坐累亦自斃元振首驗得實覆驗者邀賂不獲誣富人誣盜致死又自殺僕以滅口反以首驗者爲非宰入其言請元振元振弗較至推考至再卒如初驗秩滿移潭州寧鄉令潭帥

建寧府志

卷之三十一

風俗

三十四

三百五十二

曾孝序聞其能將易元振治長沙寧鄉之民乞留未幾以艱去服闋知休寧縣縣甫罹睦寇元振極力撫綏靖康初嚴州寇發元振親督府兵防遏賊迄不犯境改知邵武軍泰寧縣時盜賊四起元振度公私之力不能抗乃據險立寨遷帑庾率民兵堅守帥司統領官馬準本起於盜提兵抵邑邀索無度元振力拒之準怒躍馬入縣治執縛胥吏從兵皆挺刃元振折以大義準沮而退倅輿國軍時方平楊么軍需百出元振

調給不擾而辦改永州知潮州潮遠京師民鮮
奉法屬邑例就人戶科買上供銀及食鹽胥吏
旁緣爲奸元振悉去其弊潮民爲之謠曰常言
法到葵關任今出葵關到海陽繼知肇慶府遷
廣東提舉攝憲事冒暑深入瘴鄉決獄皆得其
情代歸及頓而卒元振性剛介不苟合與秦檜
有同年契及檜當國元振未嘗干以私書故潮
陽治最久抑不行官至朝議大夫累贈正奉大
夫子才邵

建寧府志

卷之三

真吏

三五

三百十二

是

江灝字良弼崇安人宣和六年進士調上高尉高
宗渡江以勤王功遷劍浦丞統義兵捕范汝爲
等寇改無錫令移兌常平以佐軍用民免重困
劉子羽宜撫江淮辟入幕歷知柳象二州有廉
名郡人繪祀之有以廉吏薦者高宗記其名于
屏未及召用卒

吳達字公路崇安人宣和三年進士明健精博自
爲小官時不可干以私犯者雖親舊不貸建炎
初任福州永福尉日子鈞龍臺院集議公事忽

得劉幹凶問慟哭不能止吏民立庭下者無不
爲之揮涕後以獲海寇功改知郾武泰寧縣地
產茶舊敷茶引錢額過重民不堪命達力請于
上得蠲其半改知南劍順昌縣時羣盜蝟起以
身捍賊威聲四馳通判南劍州奏表巡寨軍員
范旺父子死事州有三溪灘險惡其最劇者九
灘而黯淡大傷尤極湍悍達上其事庀工開鑿
九灘盡平繼知肇慶府學田久爲豪民占達置
籍一畝不遺改知濠州奏乞開墾淮南民田以
廣兵儲上善之擢知廬州兼淮西安撫事兩淮
墾田自達發之尋提點本路刑獄奉旨核實鹽
弊條奏便宜甚悉詔從之民力稍寬而官以爲
不利衆論搖之尋更議定除直秘閣知鼎州卒
達遇事果決不畏強禦所至興利除害坐是亦
多齟齬官至朝奉大夫

翁肅字彥恭崇安人擢童子科歷知賓江峽袁潭
五州解無猾胥市無酗夫所至以最聞嘗召入
對剛正敢言朝廷重之拜職方郎中歸子延慶

翁績字德功崇安人博學負氣尤喜談兵建炎初
王燮王延勝迭叛績協王佐才集義旅保障鄉
閭以誅賊功入仕調惠州推官屬邑多盜績至
率郡兵勦之獲賊首黃白旗等三百餘人潮陽
劇賊謝花九等聞風遁去辟石橋鹽場遷黃州
推官臨武令所至皆有備禦蠻獠懾伏秩滿乞
致仕孫華登第官至奉議郎

俞翊字羽道崇安人以父日新死事恩澤補官改
秩知上虞縣民安事治廉震越中薦知饒州有

建寧府志

卷三十三

良吏

二十七

三十三

政聲就除提點坑冶吏憚嚴肅賂庖醜之

李弁字季純崇安人紹興中進士知連城縣俗以
鬪狠相尙弁政務寬平教以孝友人不忍欺有
伍氏兄弟爭繼連年不決弁以理開諭皆感動
而出時人爲之謠曰訟者息爭居者安仁李公
爲政百里如春子岐

胡大正幼名慥字伯誠崇安人身長九尺莊重有
威紹興間以季父寅郊恩補官調興化尉再調
南康法曹史浩劉琪薦其賢明清介改秩僉判

泉州會劇賊號過海龍羅動天者逼漳甚急泉
與爲隣城門晝閉忽近郊有荷斧者四五十人
兵捕以聞同幕請肆諸城下大正不肯書牘曰
賊欲破城乃無戎裝攻具長兵耶詢之果採山
菌者皆釋之郡爲番商之會每舶至檢視者得
利不貲大正秋毫無所取

丘隲字克盛崇安人篤學不仕行誼重鄉隆興中
陳俊卿領使相出判福州隲上書謁見俊卿與
語大噐之及淳熙初改判建康遂薦隲可任授

建寧府志

卷之三十三

長吏

二天

三十四

是

嚴州司戶叅軍監建椿積庫兼節制使庫諸司
糧科斛院公私交便軍旅不乏俊卿深用嘉弊
復欲援登於朝隲觀時事日非引年歸

李岐字稚山崇安人調應天尉攝邑事會歲凶創
利民倉賑之繼知襄陽縣捐俸代五等戶輸納
稔役通判金州處置軍餉按月請給軍卒便之
殿帥交薦特差權州兼安撫除知南雄州至郡
首書忠廉公恕四字於治壁時貧民客戶以納
丁米爲苦悉奏罷免之官至朝散大夫

虞大中字士朋崇安人乾道五年進士調信州武陽尉歷舒封常德三郡教官改知新建縣倅汀州嘉泰間除知循州大中家居日朱熹倡立社倉嘗與討論至是陛辭首言及之比至郡廉潔自持教化盛行民鮮犯法改知南康吏白庫有羨錢萬緡守例得之大中斥去朝廷遣使循行以供饋忤使者意急上章丐閒不俟報而歸後朱熹入朝白其事除江西倉辭不赴四任宮祠以所得俸散之親戚鄉黨歲率爲常官至朝散

建寧府志

卷之三十一

良吏

二十九

三百三十四

大夫第庠登紹興六年進士

丘和字國瑞崇安人登慶元進士調光澤簿方正慈愷民安其政而吏亦不敢犯時因國事解綬以耕釣終焉

詹淵字景憲崇安人慶元五年登第調臨江戶曹椽江西俗尙鬻訟有數年不決者淵一閱之皆得其情于是環十三郡之民有求質於有司者皆請屬淵因語之曰寧爲戶曹非不願他官直詹桌字德寬崇安人嘉泰二年進士調吉州安福

尉時有婦人陳氏死非命官累檢不得實臬承
檄覆檢得竹刃于隱僻間賊亦隨獲尋調瑞州
法曹嘗有盜欲刦銀冶匠誘之飲匠疑弗往盜
焚其冶諸匠皆死盜遂取銀而去先是有與匠
爭者父兄遂誣執之臬閱案疑之乞別緝捕果
獲真盜誣服者得免調處州縉雲令後以通直
郎致仕轉承議郎卒于甫登開禧元年進士
胡翔卿字仲集崇安人登嘉泰二年進士調武陵
尉值湖祐旱饑人至相食翔卿以郡委檢視因
懇乞勸分減賦發常平以濟之民賴以活尋改
桂林錄叅遷橫州判官時隣境人有病者潛殺
人取肉以療謂之採生翔卿廉知正其罪此風
遂息

趙汝邪字大防崇安人善需之子開禧元年進士
調廣州法曹嘉定間遷淮安檢法會金人入寇
安豐受圍汝邪被檄督餉無闕圍既釋帥漕交
薦改知臨武縣創倉以拯饑民修學以化獷俗
尋授金陵酒所司書秩滿倅贛州時峒寇擾攘

憲司引汝郛叅謀招捕及任轉餉之役迄底平
定除知韶州遇寇卒于道事闕贈朝議大夫仍
官其子

江墳字叔文崇安人嘗學于真德秀兩舉于鄉一
舉于太學登嘉定元年進士調福州古田尉擒
海賊有功改武岡法曹軍有淫祠巫祝憑附至
用人于廟墳焚祠毀像籍巫祝之資以犒軍歷
知永平縣尋辟靖州倅皆有政聲遷知南平軍
嘗條五事以奏皆居郡時熟察民隱可爲永利
者蜀帥上其政最改知開州命下而卒

建寧府志

卷之三十三

良吏

三十一

三十一
三十一
儀

江點字德輿崇安人以特恩補官調郢州錄叅時
郡常平庫失銀方緝捕有劉福者因貿易得銀
一笏上有田家抵當四字一銀工發其事劉不
能直籍其家約萬餘緡法當死點疑其枉又見
欵牘不完除所發者餘皆非正贓點反覆詰問
劉苦于煨治不願平反點力言于守別委推問
得實與點同然未獲正贓劉終未得釋未幾經
總軍資兩庫皆被盜失會以萬計點料必前盜

也州司有使臣李義者館一妓用度甚侈點疑之未敢輕發會制司行下買營田耕牛點因而陰遣人襲妓家得會一束遂白于府郎檢使臣行李中皆三庫所失之物劉方得釋人皆服點之明見終漢陽軍檢判

陳範字朝弼一字仁復崇安人從朱熹遊登嘉定七年進士調婺源尉有大辟疑讞令佐受贓誣服更題簿請書獄範察其冤嘆曰人命如是之輕乎竟不書後果發覺令佐皆抵罪調崇仁縣

建寧府志

卷之三

良

三

三百七

似

丞縣令羅必源豫章先生後也日相從講論忽病作乃曰是可以尸素養疴乎即日解印還

吳必明字若愚崇安人以蔭補官累遷候官縣丞有廉幹聲薦知將樂縣遷汀州通判未赴建州盜起必明竭家貲招集民兵防護鄉邑未幾蠻卒倡亂復與知縣賈損協謀剿捕事聞賜璽書褒嘉除知邵武軍尋除廣東提舉未赴以朝請大夫主管台州崇道觀致仕

李華字貫夫崇安人嘉定四年進士調連州法曹

開楞伽峽有功辟翁源令翁源瘴鄉或謂不宜
往華笑曰今之仕者惟視上官色可否氣餒心
搖爲身之病者甚於瘴也某無愧于俯仰將使
匹夫匹婦皆無疾苦瘴焉能病予未幾政聲大
著百廢俱興爲韶五邑最臺府交薦倅安豐紹
定間護王祖忠軍勦汀邵寇除知汀州尋進直
徽猷閣知潭州帥湖南卒

江寅字公亮崇安人早慧能文以貢賦魁鄉郡登
寶慶中進士歷穀城麗水廬陵三縣俱以循良

建寧府志

卷三十一

良吏

三十一

三百〇五

著嘗上書言朝政得失時相目爲狂躁後爲武
安軍節度掌書記

江鏃字華叔崇安人年十六補太學生登嘉定進
士授光化尉遷太寧令所至以治績顯人歌之
曰前光化後太寧清如水平如衡官至臨安察
判

江巳字巽伯崇安人少負才氣兩貢于鄉登紹定
中進士授沙縣令地爲盜區難理巳規畫緝竄
以慈祥愷悌行之盜化爲良民歌其德治績爲

諸邑最

江谿字成叔崇安人穎敏特立登紹定中進士知
福清縣下車旬餘無所事事吏多以書生日之
一日肅衣冠班郡吏于堦下各摘其罪治以法
時當荒旱民鮮耕穫公疏浚水道灌溉田疇歲
積粟數千斛以賑貧者秩滿民請留任又六年
焉

章穎字簡之浦城人咸平初與弟頔皆以進士試
禮部預選會詔兄弟毋并舉穎即推其弟棄去

建寧府志

卷之三十一

良吏

三十四

三十八

王

後六年乃擢第自試秘書省校書郎知南昌縣
改大理丞知九隴縣遷殿中丞省州大姓孫延
世僞爲券奪人田久不能辨轉運使使按治之
穎視券墨浮上曰是必先盜印乃書既引伏獄
未上而其家人復訴于轉運使更命他縣覆按
無異他縣用此權官穎反坐不時具獄降監慶
州酒稅徙知長州縣天禧初召對稱旨擢監察
御史累官刑部員外郎出知福州王氏時賦民
官歲輸租稅而已轉運使方仲荀謂鬻之可

得緡錢二十餘萬頗疏悉蠲除之所濟貧戶可
九百餘人改廣西轉運使摘宜州守貪暴不法
守罷去遷刑部郎中使契丹至紫濛館卒

楊紘字望之浦城人億從子以蔭歷官知鄞縣鄞
濱海惡少販魚鹽者羣居洲島或掠商人財物
入海吏不能禁紘至設方畧使識者質惡少船
及歸始給還且戒諭之由是不敢爲盜以獻億
文賜進士出身通判越州知筠州提點江東刑
獄除轉運按察使江東饑開義倉賑之吏持不

建寧府志

卷之三

長吏

三五

三百五

可紘曰稍稽人殍矣御下嚴明常曰去一不法
不利一家爾可使郡邑千萬家俱受其害乎聞
者望風解去官至太常少卿卒聚書數萬卷手
抄事實名窺豹篇

黃孝先字子思浦城人嗜學能文舅楊億尤愛之
天聖二年進士調廣濟尉改宿州司理盜有行
劫死于路者盜子疑其黨殺之欲訴于官黨誘
其子同劫得財倍與之其子寢不言盜敗孝先
曰是兒孱甚烏能刦白守直其獄不聽孝先辯

益力且曰獄官可殺獄事不可移也會新太守董儲至卒如孝先議在符離多所平反活死罪十有六人遷大理寺知咸陽縣回鶻來朝過其邑有死者藁塋道左孝先日異俗聞化不幸而死又使暴露豈朝廷懷遠意哉封塚表識之回鶻使回過其側無不流涕感孝先之仁尋知綿竹縣改殿中丞西邊用兵詔蜀中稅緡錢孝先日歲饑行此則民益病上其不便朝廷從之改太常博士通判石州終于官累贈大中大夫職

建寧府志

卷三十一

良吏

三十六

三百廿

工

方郎中所著詩文二十卷東坡爲之序子好謙好信

黃好謙字幾道幼孤事母孝舉進士調單州司理改新蔡令歲艱食嬰兒多棄道上好謙勸誘賑恤且下令給乳養錢壯者半之嬰兒全活甚多用薦爲監察御史裏行論辨誣獄及時政闕失出通潁州舊相韓億留守北門丐以自助遂通判大名朝廷益知好謙才神宗召對諭曰知卿母老子弟皆官京師故特召卿好謙頓首謝後

知蔡州卒孝先令咸陽日主簿死無以殮孝先
適出他縣好謙時年十五郎謁雍守杜衍白其
事衍答以當與僚佐議好謙曰公爲近侍典方
面屬吏死無以殮欲誰議耶衍郎賻之一府稱
爲奇童

黃轍字遵晦浦城人四歲能誦書日記數千言治
平四年進士乙科調虔州司理除安仁令率民
墾田疇治溝洫進子弟之秀者于學時蒲崇孟
察訪荆湖南北路辟爲本司幹官且薦其才遷
州還朝而卒年四十四

建寧府志

卷之三十一

良吏

三七

三百五十五

星

著作佐郎知新昌縣發奸摘伏撫摩良善人不
忍欺部使者奏其課爲第一終大理丞通判筠
葉安節字亨之浦城人治平進士調樂平尉改鞞
縣主簿縣有海晏太丘靈巖三鄉介山谷間王
安石嘗鑿巖起斗門於海濱未就而去安節踵
而成之三鄉遂至富饒改宣德郎知諸暨縣政
號神明遷承議郎通判岢嵐管當陝西運司公
事歷晉朝散郎太府寺丞精意勾考吏無所容

其欺移知袁州卒官至朝散大夫

章甫字端叔浦城人登熙寧三年進士授山陰縣尹首竄奸吏數人餘皆屏息莫敢欺監左藏庫通判宿州被旨按獄南京片言折之人自以為不冤哲宗名對除府界提舉常平事河溢適歲饑流民多人畿甸因廩給之而用其力以增築外堤民不苦勞知處州崇寧初黨與論興甫上言元祐臣僚削籍授荒者皆緣國事陛下稍令內徙道路稱慶茲復刻名著籍禁錮其子孫臣

建寧府志

卷三十三

良吏

三十八

三百十六

显

夫 竊惑焉坐降一官罷知泰州卒累官至朝奉大夫

章緯字伯成浦城人案子熙寧九年進士由推官提點淮南東路刑獄權知揚州兼提舉茶鹽事方鑄崇寧大錢令下市區晝閉人持錢買物至日旰皇皇無措緯飭市易務致百貨以小錢收之檄倉吏糴米以大錢與之盡十日止民心遂安蔡京更鈔法江淮富商變為流丐赴水死者相繼緯上言變法誤民請如初政以存大信京

怒罷絳降兩官竄台州復知通州秀州終戶部郎中

章粹字仲容浦城人元豐二年以上舍擢進士初調上黨薄遷防禦判官克定州學教授除廬江縣令有巫覡惑衆粹究其奸而罪之白湖之田沃壤千里頻年水患粹築堤爲防民被其利遷太府丞判恩州適河流湍溢粹增卑培薄迄以無虞

何述字明道浦城人元豐二年進士調奉符縣尉

建寧府志

卷之三

良吏

三十九

三百三

是

知當途縣歲有水患述築堤姑溪上禦之廣濟圩爲田千餘頃夏潦堤將決述別爲長堤橫亘輔之崇寧初除開封府推官從尹以職事對徽宗顧尹曰何述詳雅必能助刺決遷開封府少尹歷除徽猷閣待制知永興軍移帥涇原以恩信結諸豪邊陲無警奉祠卒所著有禮記解二十卷事類領要十卷廬江集十卷

黃靜字安仁浦城人元豐五年進士敷歷州縣所至有聲政和中除福建提舉值歲歉極力賑濟

出錢數千緡爲糴本置常平永利倉以惠艱民之食任滿丐祠歸官至朝奉大夫

劉毅字剛中浦城人元祐初進士調吉水尉再調豐城擢知南豐縣有稅官恣橫陰養無賴爲爪牙以病商賈毅白於郡稅官怒集惡少尅期劫甲仗庫毅知其謀伏弩手吏舍至期惡少果大譟斬關入伏發束手就擒列其事于郡郡加稅官罪毅爲解救人多其德量轉承議郎知龍泉縣未赴卒

建寧府志

卷之三

良吏

四

三百十三

是

李克字仲實浦城人進士知臨海縣方臘爲亂二浙州郡相繼陷沒台守遁去克與倅李景淵蜀音鑠別灑州城獲全詔賜獎諭

周因字與道浦城人固子紹聖四年進士除閩縣主簿改勅命所刪定官通判鞏州時朝廷建明堂天章閣鳩材於鞏童貫營私第欲先得之因不可貫諷監司移爲洮州倅因以事聞朝廷直之亟命還通判憲州累遷京西轉運副使奏罷歲調廣武雄武折納梢草價錢請儲本色以備

河急宣和中春旱汴流壅塞朝廷欲決潔口伊洛二水以益汴因奏洛民恃二水爲生決之不
能益汴請于河陰決黃流入汴民亦不失二水
之利唐鄧汝蔡四州增新稅民間騷動奏罷之
屢遷荆湖南路轉運使上語及溪洞事對曰有
邊事邊臣之福無邊事朝廷之福時初得燕薊
故因語及徽宗爲之改容建炎初除直徽猷閣
知桂州安南貢方物因慮啓戎心奏乞受其貢
厚禮遣還從之瓊州民陳韜焚澄邁臨高二縣

建寧府志

卷之三十一

良吏

四

三百廿

美

欲擅有海外四州因討平之當中原失守盜賊
紛起因帥桂林五年嶺表帖然官至中大夫致
仕

郭汝賢字舜卿浦城人元符三年進士居喪以孝
聞調連江尉再調南安知福清縣當官不私邑
人信愛宣和初通判興化軍權郡事修築國清
塘溉田數千頃民賴其利後知瓊州黎蠻叛殺
居民汝賢遣兵據要地絕其往來前後掩獲數
百蠻豪就降以功增秩主管台州崇道觀卒年

八十二官至朝請大夫

劉汝舟字元造浦城人毅之子政和元年鄉舉第一明年登進士除興化軍司法郡有富民王姓者死尚有遺腹人乃以戶絕告守委驗實得貲三十萬欲籍之其婦以遺腹訴弗受也汝舟執不可既生男汝舟又爲辯折守怒汝舟納告身乞歸守怒稍霽尙籍其半後王氏子名濟登紹興十五年進士先是汝舟與張凌同硯席後凌持兵柄汝舟獻平戎十策辟爲叅謀官卒

建寧府志

卷之三十一

良吏

四十一

三百十一

張大年浦城人政和進士補臨朐尉歷知萍鄉縣時敵騎深入盜賊羣起萍鄉爲江湖要會大年日閱民伍教以兵法聲聞四境盜不敢入周因帥廣西辟爲經畧司幹官會營道蠻獠僭號所在深險官兵不能捕大年分據要害持久以困之賊饑潰海寇陳韜等出沒爲二廣患擢大年通判瓊州討平之韜遂率衆來降加秩二等移倅道州後守韶州卒于官

李穎士字茂特浦城人政和五年登第調知餘姚

縣通判紹興除大理丞在棘六年多所平反除
刑部郎中坐趙鼎黨出監慈利縣稅聞命卽行
終江西帥司叅議

黃烈字元功浦城人宣和間累官知處州方臘竊
發諸邑陷沒而龍泉獨完詔烈卽龍泉治事設
方畧鼓憤勇臘將洪載遂以處降重修郡城民
賴以固

黃衡字平國浦城人建炎二年試南省第一廷對
進士乙科授從事卽薦爲吉州安福令太守呂

建寧府志

卷之三十一

長吏

四十一

三百九十四

全

源于暑月欲修城壁衡以書諫止謂廬陵諸邑
累困兵火加之亢旱豈堪重役宜速罷以慰民
心太守得書劾之朝廷下憲司體究守以罷去
除秘書省正字遷校書郎卒年四十一

黃子游字叔偃浦城人紹興進士知池州政尙和
平檢察六邑稅籍惟青陽稅徧重惻然曰皆池
民也相懸乃爾求弊所從始爲民奏之有旨苗
稅悉如五邑例命下百姓呼舞于道相與建祠
記德

徐詡字元敏浦城人彭年子登紹興二十一年進士調會稽主簿再任上元縣丞徐公度一見詡之遂加論薦時韓仲通爲守詡論議常忤其意竟亦薦之陞知龍泉歲饑將發常平米賑民丞有難色詡曰倘有責罰吾任其咎于是籍三十人爲一甲人給以牌見牌受米是歲饑不爲害所至以興學爲先改除江東轉運使被命一日而歿有東野居士集四十卷

祖世英字頴仲浦城人進士性頴敏日記數千言

建寧府志

卷之二十一

長史

四

三十一

全

紹興三年擢進士第張魏公總戎金陵留寘幕中爲衡州教授講學勸課曲成士類後知南昌縣南昌江西劇邑世英立規條不以吏追民不以獄委吏癸亥摘伏令信于下值歲饑散常平米數萬民賴以濟遷承議郎卒之日宅無一區產無十金

周春年字春卿浦城人因子也以蔭補將仕郎調象山縣主簿象山瀕海多劫盜春年籍其名犯者輒寘于辟惡俗大變爲撫州軍判官疏和嶺

之害于部使者一路俱得裁損民深德之改知
仙遊縣歲饑計戶授粟不足請貸于郡又檄隣
邑通糶民賴以濟州有盜皆奔他境曰毋犯周
大夫聽訟必使人各盡其說伸紙揮筆剖決如
流老吏却立皆驚歎通判道州禮部侍郎金安
節條上春年嘉政未及用而卒年六十二

周嗣武字功甫浦城人因之孫以蔭補官調江山
縣主簿任興國軍司理改授臨川丞廉能有聲
歲歉饑民嘯聚發巨室廩邑人惶惑嗣武給榜

建寧府志

卷之三十一

長吏

四十五

三十五

全

諭之且賑之粟民遂帖服陞臨川令歲復歉分
饑民于寺觀粥之仍籍富室各贍其鄉里郡督
賦急嗣武每寬其罰一日守厲聲責之曰賦入
不登而屑屑理說豈曰能吏嗣武曰朝廷設官
置吏所以爲民也若但峻法催科非所能也以
薦赴闕奏利民三事切中時病擢太府丞遷度
支郎中使蜀稽考財計奏乞任成都潼州兩路
科買一年以寬民力又奏蠲典元茶息錢引二
十萬又言文州輒開青唐嶺利州輒開馬道隄

率皆不由劍門宜悉撤之赴闕入對上勞之
太府少卿湖廣總領名爲戶部侍郎卒弟嗣恭
以蔭補官授萬安尉陞南雄州推官知邵陽縣
遷籍田令亦有異政

周嗣恭字作肅浦城人以世賞補官授安南尉陞
南雄州推官知邵陽縣累政積弊一日剡劄不
數月庭無留訟部使上其績遷籍田令奏對論
民疾苦皆里閭根本朝廷未及知者知荆門軍
泰州卽退休疾革忽大雨雷電家人問怖乎攝
衣危坐曰平生無欺心事言訖而逝

建寧府志

卷之三

墓

四十六

三百二十七

全

郭忠順字移可浦城人篤志問學朱松寓居浦城
與爲忘年交以蔭補官初調程鄉簿再調連江
遷南康丞張九成謫居南康稱其博聞強記後
知襄陽縣時荆鄂用兵忠順餽運二十六萬諸
司交章論薦改奉化令待士以禮撫民以寬束
吏以法尤崇重學校士民愛之改通判太平州
未赴卒于家子德麟

郭德麟字邦瑞浦城人汪候官尉調信陽爲荆南

錄叅有盜數十人帥欲盡寘於法德麟爭之力
帥深器之知奉化縣父所宰邑也士民爲立二
郭生祠除監察御史建言乞肅清宮闈嚴內侍
入宮之禁除宗正少卿入對孝宗問福建旱荒
如何德麟奏常平已議賑恤不足煩聖慮控御
邊防諸帥皆未除授此係朝廷重務願早加意
不數月卒

張次夔字和仲浦城人以父大年蔭補官授福州
理椽部使者攝州事以私意撓獄次夔持不可

建寧府志

卷之三

員吏

四十七

三十一

全

使者不能奪丞相陳俊卿帥福州大加器重薦
知西安縣通判典國軍郡多私鑄太守任幕官
捕治擾民次夔立言其不便已而民激爲盜太
守幕官皆罷次夔亦奉祠值查源洞兇黨倡亂
請邑宰遣兵掩捕乃馳報府府檄次夔糾集鄉
勇禦之賊退鄉人立碑以紀其事第次高

張次高字寬夫以蔭補官任東莞尉調長溪以獲
賊功陞知建昌縣遷知南劍州轉朝奉郎陞辭
諭州縣科罰苦民事孝宗曰聞州縣以訴訟科

罰罪有條豈應以是生財卿當爲朕勤郵
民隱簿書獄訟次之既到官治績爲諸郡最擢
徽州改知邕州乞減放廣東客丁米孝宗允其
請且曰廣東去朝廷遠卿當以便宜從事邊防
機密文字可實封徑達翌日謂執政曰張次商
亦好人材徼外蠻蜃接境交爭次商視事三日
卽單騎渡江面慰撫之盡得其良馬未幾卒官
至朝請大夫

張彥清字叔澄浦城人少孤力學登紹興元年進

建寧府志

卷之三

長吏

四十八

三百三十三

全

士主光澤簿嘗從朱文公學得其大旨光澤有
隱君子李呂者熹友也彥清與之遊所造日深
被檄試士時僞學之論方熾同列以是發策士
子希主司意爭訾詆之彥清獨取持議不阿者
與其選遷安福丞邑有廣陂爲豪右所侵田屢
不熟彥清請于郡復之往來泥濘中半載陂成
民無旱涸憂改知慶元縣以疾請王管台州崇
道觀年六十四卒于家真文忠公銘其墓
楊孝定字仁靜浦城人以外祖蔭補官調全椒丞

轉節武錄叅擢靖安令歷知銅陵弋陽二縣民
有兄弟訟財孝定降堦執手泣諭之曰以財物
之微傷手足之愛同氣連枝義如是耶言已又
泣曰此皆令長不能以德化民致若輩至是爭
者感泣退不復訟孝定事母至孝母卒廬墓終
喪鄉閭稱之

李規字師正松溪人元豐五年進士初辟陶節夫
幕府時朝廷方討西夏規協力裨贊招散亡築
堡塞夏人遠遁通判環州請革陝西錢法之弊
數百人以平夏功轉朝議大夫致仕卒有文集
十卷

建寧府志

卷之三十一

良吏

四十九

三百七

全

李扶字持國松溪人父憚朝奉即扶幼孤事母孝
第進士調海鹽尉永興丞適大冶爲兵火所蕩
郡守及諸司檄攝其事扶至招撫流散安集田
里秩滿改宣教郎知富陽縣以平恕爲治轉廣
西帥司主管諸司薦爲蒼梧守治狀最兩廣
董居安字子安松溪人進士乾道間知順昌縣清

儉明敏時縣漘更法帑藏空虛更請如舊令計
民產賃錢居安以爲賦外之歛不聽優游措畫
不煩而辦有追攝傳符下里未嘗一遣隸卒先
是令以隻日晨興收民訟牒居安聽受無時冤
枉畢達訟有所連惟摘一二切要餘無所問民
祠祀之

元

雷機字子樞建安人元詔行科目閩中第自機始
授古田丞遷延平總管府知事沙縣民豐于財

建寧府志

卷之三

長史

五十

三百六

全

身歿子幼族有強暴欲據其業賄于上下訟久
弗定機下廉吏鞫之竟白改邵武總管經歷邵
長官西域人恃與憲部有連與守議稍不合遽
引杖擊守守俛首遁機曰苟如此天子法安在
獄有不平與庭辨不爲屈調興化尹察豪大姓
數家置之法其臨事燭見秋毫邑稱雷神已察
知邑中賦役不均率吏民焚香祝天出矢言祝
已令各實田隨高下爲定每一鄉畢具揭姓名
皆驩悅莆仙二縣與錄事司之民並來訴郡願

得雷侯爲我定賦已則又驩悅丁內艱服闋轉
湖廣儒學副提舉月書季考具有成法擢延平
總管府推官順昌尤溪沙南平數縣疑獄株連
累歲悉得解釋建義學延鄉貢進士陳竑願教
之羅天麟反汀界上立堡柵集丁壯盜不敢犯
陞惠安尹究心學政以興禮讓之俗三歲最諸
邑代還民立祠樹碑鄉井幾遍除汀州總管府
推官築城開濠以實保障申屠嗣僉事閩部行
郡至汀稔知機賢悉委訟牒已不俟引年遽上

建寧府志

卷之三十三

良吏

五

三百三十三

全

休致朝廷嘉其廉退陞翰林院待制階朝散大
夫機軀幹魁梧方面美髯居官尤盡心獄事夜
叅半孤燈熒熒繙閱成案不休曰人命至重爲
人嚴而不苛和而不流所著文辭森嚴演迤有
龍津龍山鄞川環中黃鶴磯梅易齋碧玉環七
稿

游欽字敬仲崇安人至元間薦省授邵武簿遷知
建陽知縣地屬隣封恐民玩狎欽抗行礪廉寬
嚴迭濟勤撫字緩催科爲邑保障邑人久而懷

之卒之日士民奔哭其家

明

鄭賜字彥嘉建安人洪武乙丑進士授監察御史
時天下初定法令嚴肅郡邑吏坐罪逮繫者多
既解戍命賜就龍江編次其行伍時暑甚諭以
上恩惻撫之脫其鉗械俾各就居止旦一詣視
有疾病羸弱者捐祿米饘粥之皆感悅湖廣布
政司奏缺官賜秩滿遂與簡討吳文並出爲叅
議二人同德協力清簡寬直最爲知名時諸曹

建寧府志

卷之三十一

良吏

五十一

三百十四

全

吏驕縱多以罪去賜至申嚴約束吏相戒不敢
爲非諸洞苗獠反側不常郡縣苦之賜召其蠻
長示以恩威寬其徭役諸蠻感悅自是民得安
堵丁內艱服除改北平布政司叅議成祖在藩
賜奉事甚謹被眷愛而謀國者疑之謫置安東
屯未幾召爲工部尙書既命督軍務河南拒靖
難師成祖卽位李景隆言賜罪亞齊黃逮至上
問吾何如待汝遂相背耶賜曰亦盡臣職耳上
咲釋之改刑部尙書復轉禮部後稍衰病爲侍

卽趙珣所聞上心輕之頃之卒上問翰林臣曰
賜不病遽死自盡耶楊士奇對曰病矣惶悸不
敢就醫上曰微汝言吾幾疑之其撰文遣祭贈
太子少師諡文安賜小心恭慎易直和厚解縉
嘗於上前稱其足爲君子所著有聞一齋集
王銘建安人知德安縣邑有虎患入禱城隍一夕
雷擊虎於縣西之箬山隴重建文廟不費於民
豈弟樂易士民感德

江鐵字志堅建安人永樂甲申進士選庶吉士預

建寧府志

卷之三

風土

至

三百六
万

修永樂大典拜監察御史陞浙江按察司副使
持法嚴明獄無冤滯得憲臣體轉廣東叅政卒
吳春建安人永樂丙戌進士知婺源縣摧豪猾清
獄訟均徭役始至時民有逋租數年未輸從容
勸率無幾悉辦事隙輒至學舍與諸生講說飛
蝗入境引咎籲禱蝗悉赴水死卒民思之

陳原祐字君祥建安人永樂壬辰進士授嘉興通
判不少假人以法人亦因是希犯法者一時更
治以嚴辨稱

連均字士平建安人登永樂乙未進士除雲南道
監察御史巡浙江海道以功擢江西右叅議嘗
督武定州軍餉規措有方陞四川左叅政甚著
威惠再陞江西右布政歷官四十餘年身無美
衣家無增業人稱其介

朱泗字文魯建安人文公八世孫領永樂鄉薦除
壽州判官後改徐州值歲饑泗留本州京運以
賑民而後申白督運多所全活民有被誣殺人
者泗廉得真殺人者釋之建議以宋儒黃幹蔡

建寧府志

卷之三

良吏

五十四

三百十三
万

沈劉燭真德秀配享文公祠爲請于朝得行

張崇字存高建安人永樂中以太學生授蕭山縣
令爲政仁恕有循吏風秩滿陞撫州通判改處
州所至有清操致仕歸

王英建安人知崇明縣徙建城郭創縣治百方經
畫犁然就理從子銳亦以新城令補是邑審驗
人戶分九等定賦役法選秀敏庠士講經課業
天旱蝻生爲文祭八蜡神卽雨三日年爲大有
葉文莊公盛立石刻文記之

雷士旃字元芳建安人成化乙未進士自戶部郎出爲浙江僉事陞廣西副使浙江右叅政致仕尚書楊旦謂士旃大節有三歷官中外囊橐蕭然一也閉門却掃養高自守二也方不入時正不諧俗三也人以爲確論云

雷仕檀字季芳建安人正德舉人知安順州安順貴羈縻地仕檀稍以漢法誘治之蠻長韋公沙者素桀黠難馴皆俯首襲冠帶受約束遣子弟入學有指揮縱奴殺人匿屍獄莫能決仕檀求得置法有盜官錢事敗輒反噬制吏仕檀引例坐之擢河南府同知賑饑捕蝗如不及以餘力歛才訓兵遷吉府長史

建寧府志

卷之三

良吏

五十五

三十一

是

張存義字宜甫建安人嘉靖癸丑進士授番禺令有聲擢刑部郎出知惠州時盜賊充斥水旱不時道殣相望捐俸及罰鍰市棺置亭中令亭長視之戒口有求卽施毋得留難月課諸生親評文義庫失金忽有神降索而得盜人謂誠感會海寇陷府治官司遇害以存義有惠政獲免擢

兩淮鹽運使以疾乞歸囊金不滿百悉出以買
祭田周族黨

楊棐字賓周建安人弱冠成進士令峽江歷員外
郎出守肇慶府明習吏治爲民興利剔蠹皆毅
然爲之會廣中有羅旁之役旦夕勞瘁卒于官
士民如喪考妣瞽者亦望府門而哭哀詞至千
餘章喪歸奔送爲罷市

謝璿字天儀建安人嘉靖間舉人善詩賦工古文
詞初授懷寧論補教上虞陞石城令遠海寇猖

建寧府志

卷之三

長

五十六

三

是

倣司道檄在率兵抵境賊望風遁尋殲其渠魁
歲旱雩祀齋宿露禱三日遠近沾足秋獲瑞穀
一本九莖縉紳作歌紀之石城建生祠鑄善政
四十餘條置縣治左

楊徵字明夫建安人由貢任九江推官毀淫祠改
建郡學勢家子怙惡徵按法治之却查盤例餽
陞知德慶州撫綏猺獞以廉能稱

朱東光字元曦建安人隆慶戊辰進士授平陽令
再補祁門以卓異行取戶科給事中侍從經筵

出督河工績成加陞二級出爲廣東副使歷參
政有禦倭功加俸一級東光家居恂恂與人交
長厚不佻義所不可必正詞戒之著有訓政編
訓學編行于世

鄒希賢字淑輿一字星門建安人萬曆壬辰進士
初選山東濮州知州遭歲饑民多流亡希賢設
粥募糴疏河灌田歲因大熟尋陞戶兵二部郎
中擢寧波守以卓異奏績歷浙江副使巡視海
道建立昌國定海象山等處團練營衛轉江西
叅政湖廣道致仕歸所著有續麟稿春秋正解
淑輿別集等書

建寧府志

卷三十一

藝文

三十一

星

陶宗器號衍泉建安人敦孝友篤學能文郭子章
器重之以歲貢授寧德訓導永春諭葺文公祠
建尊經閣擢廣西洛容令軍興增賦宗器奏狀
免之陪巡恤部全泯無辜以目盲致政歸卒年
八十四

陳琪字良玉甌寧人永樂初由監生除常州府通
判嘗部丁夫役天壽山車駕臨幸視役事懈

上怒甚杖總督成山侯三十同事者懼致自殞
有恐琪者琪曰家有老親在豈可更遺其累翌
日有旨但杖如成山數而已郡有豪猾官吏莫
誰何琪繫至庭杖殺之合郡歡舞望府門而拜
有富室周者嘗語人曰陳西衙杯茗欵我當千
金爲壽或告琪琪若不聞也未幾檄治孟瀆河
乃名周諭曰聞若欲壽吾千金與其私吾一人
孰若公于衆今孟瀆隄圯吾茗若若肯爲吾辨
此乎曰謹如教遂完堤甚堅秩滿民詣闕保留

建寧府志

卷之三十一

良吏

五十六

三百二十二

五

進奉直大夫協正庶尹仍通判常州府事

陳賜字孟嘉甌寧人舉進士授監察御史遷知南

雄府蒞事精敏寬猛得宜廟學久敝悉加修治

洪熙中疏豁虛糧二千餘石民困蘇焉

鄭以誠字彥思甌寧人領鄉薦拜吏科給事中陞

雲南叅議招撫干厓南甸流民二千五百餘戶

開墾通海河西二縣荒田二千五百餘畝土官

刺馬非南入鬪殺不已奉命往諭解之致仕卒

滕康字景晉甌寧人正統中由鄉薦通判松江改

惠州郡嘗阨于洪水而海運方急力請得近輪
又請減虛稅之病民者廣寇黃蕭養起竭力固
守且于城東隅治浮梁有警郊外居民得避入
城會賊至民賴以濟擢守本郡

范亮甌寧人正德間爲太平縣丞歲饑先賑後開
所活萬餘去任民立生祠歲時致禮申問

雷燮甌寧人正德末以貢士知平樂縣值猺獞羣
起民棄家逃賊相聚依險自固燮下令招撫復
業者免其賦貧無牛種者官給之

一作荔浦恐
由平樂改調

建寧府志

卷之三

長吏

五十九

三十五

陳儒祥字明瑞甌寧人嘉靖鄉薦授通安知州蒞
任一力自隨食無重味例金贖鍰盡却之州地
故不能通水屢被旱災祥相地開河教爲水車
遂成沃野及歸行李蕭然

魏世熙甌寧人鄉薦嘉靖中令平遠海寇至設奇
禦敵四境賴焉當道上功于朝有銀幣之賜

張文獻字用徵進士甌寧人嘉靖中令英德平流
賊却例金守正不阿改調定安關節不通豪右
懾服爲海忠介所重

張沛字德夫歐寧人事孀母孝讓田二兄隆慶鄉
薦授長洲教識拔皆吳中名士分校廣西試陞
判湖州管織造機戶不以一縷自私知沅州賑
饑活民鎮兵缺餉汹汹且變沛諭之咸羅拜受
命及歸行李蕭然林下二十年清醇真率絕跡
公庭

魏良臣字以忠歐寧人進士令崇明時倭有警設
策防禦不敢犯境定各沙糧產徭賦得平補溧
陽歲不熟有易子者捐俸賑之入爲水部即出

建寧府志

卷之三

良臣

六十

二百九十二

是

守南寧平土官之亂却羨稅數萬以備餉交趾
入貢却例金捐權關之美以備邊儲補鄖陽會
大旱人心思亂爲罷一切煩苛之令民咸感悅
轉廣西督學卒

黃應龍字國瑞歐寧人署長葛學諭賑貧卻贊陞
知岑溪縣拒李鎮守兵餉常例撫陳三峯猖獗
渠魁剗丁蘭祠造黃華橋邑雜猺獞俗尙奸刁
應龍爲之蘇奸芟雜民用安堵離任軍民遮留
之

張鶴鳴甌寧人由歲貢任建昌訓導署新城縣
有張老不費百姓一文錢之稱陞羅源教諭

李兆庚字啓新甌寧人由歲貢初授太倉州同知
歲值旱疫多方拯救遷崇明令設策防倭殲埋
白骨屢出冤獄去日百姓追送于崑山

徐性成字仲善甌寧人由歲貢歷通判廣信郡雲
霧山礦穴也舊患礦盜封禁已久性成掌府事
值中官奉旨開採力沮之累署郡邑篆興利除
害爲民造福

建寧府志

卷之三十一

長吏

六十一

三百七

楊朝綰字勉吾甌寧人舉人授電白令以耿介忤
監司改教樵川復擢韶州判歷署郡邑有廉聲
尋以疾乞歸

劉童字良能建陽人進士好學力行知寧遠縣觀
風者薦其才畧以嘗忤時相事竟寢陞江西布
政司經歷尋陞蒙化州知州致仕卒童廉能著
聲號稱循吏鯁介不屈遂坎珂終其身

朱奎字原聚建陽人朱文公十二世孫舉人任高
安主簿有負贖緩辰朴申而納怪其速詰之曰

鬻妻奎還其鍰名令完聚陞思恩經歷招安八寨單騎循行蠻長感泣曰朱公清正誠心來此再不敢犯後自免歸

黃勝建陽人由楷書任戶部郎中宣德間陞衢州知府有守有爲禁豪軍治強梗民心翕服去任多垂涕者

袁鎬字世京建陽人弘治間由國子生任瓊州府推官折獄詳明罪人讐服會瓊缺守貳鎬署政振綱紀除宿弊罪奸吏所部肅然卒于官

建寧府志

卷之三十三

良吏

十一

三百〇四

是

黃麒建陽人舉人正德間任潮州府學教授淡蕩自適樂教務施捐俸以濟生徒度不足又白土官爲助士咸屬心陞九江推官

朱凌字原冲建陽人文公十二世孫進士授戶部主事督九江鈔稅見所徵常溢額遂議減稅積一歲去五之一楚饑男女流離因畧販爲利至九江關嚴不得出輒溺死乃稍寬其禁檄所司修荒政禁畧販全活甚衆晉員外郎陞陝西兵備歲餘以疾歸養凌性孝友家居二十年不闕

江龍產業葛巾麤衣絕無町畦

江龍字世霖建陽人舉人授南寧府判遷左州知
力以御史薦改知鬱林州時州苦積荒田米龍
力爲申豁歲減二千有奇又革除斗級請保牛
稅諸不便民事轉陞高州府同知議足兵糧守
要害禁鬻子正黃冊豁清勾在任六年卒龍居
官廉已愛人三任在粵去後皆尸祝之著有粵
東粵西議稿

朱洧字養冲文公十四世孫以孝廉教諭浦江課

建寧府志

卷之三

良吏

六十三

三百十一

士却贊遷景陵令邑值水旱蝗三災捐一切逋
負請改行海運以蘇民困賞識譚元春元禮兄
弟後卒于官元禮感知已誼親執紼護其喪出
城士民設祭于路者相望不絕

蕭鳴盛字儆齋建陽人舉人初令靈山補授仙居
令所至有善政後任三原有賊將犯境夜二鼓
家人熟睡鳴盛密取印繫肘上選快壯數十人
疾出城擊賊賊遁去黎明還縣無有知者衆詰
其故答曰古人國爾忘家若家人知許多糾擾

事去矣

姚志字伯啓崇安人由監生歷事吏部有旨選才幹士爲民牧遂以志爲束鹿令時兵事初息民未復業志勤課農桑通商貿易勞來漁綏不倦逾年而戶口增田野闢秩滿部民詣闕乞留三年予告歸民攀鞍當道以送之卒年八十三

黃大年字省庸崇安人舉人授武岡州學正歷陞楚雄知府是時緬寇內訌滇西大擾轉輸重爲民困大年課耕種輕刑役誅強暴扶士風捐俸代償逋稅滇人立祠尸祝之晉陝西兵備歷官按察司使視事三月七疏乞歸居林下三十餘年卒年八十有七

建寧府志

卷之三

長吏

六十四

三十四

显

黃世忠字屏周崇安人舉人署浙江東陽諭歷遷刑部主事平反精確陞郎中出知慶遠府攝兵備篆平僮賊韋文峩制院沈猶龍疏其事上嘉異之後致政居抱甕園號石圃老人著有經濟文集十二卷麟旨定碧澗流玉等書

翁懋勳字瞻所崇安人以選貢爲賀縣尹時山寇

徐金柱據里松洞肆掠前守爲備甚嚴懋勲至
撤守兵曰此吾民也何敢爲此賊深懷之乃以
十餘人從策馬入洞諭以恩信賊就撫洞遂平
歲旱捐俸賑饑新學宮課士悉心教養者三年
卒于官賀人立祠祝之

徐日升字初陽崇安人舉人歷安慶郡丞以廉能
聞數視邑篆多德政旋改衢州府通水利疏鹽
課民有情如水皎如月之謠遷藩長史歸母年
七十有九溫情孝養者五年母卒卧棺側三載

建寧府志

卷之三

長吏

六十五

二百七十一

年七十五而終

楊遵字宗道浦城人洪武初知鎮江府廉明有爲
善於拊御流離復業百廢具舉性好學工詩善
書在郡多所題署

康尙文浦城人洪武十六年知南康府治民事神
極其誠敬大旱齋沐遍禱廟壇甘雨連日民困
復甦

李仲蘭浦城人洪武中爲嚴州知府勤惠及民
郡翁化

潘至善浦城人洪武二十二年以戶部郎中知撫州當入覲而樂安縣賦不足惻然曰吾寧負後期之責不忍民受逋租之罰親至樂安名父老諭之于是民爭出布帛銀鈔易粟一月而數年之逋盡足

陳顏字士希浦城人洪武二十九年以舉人任廬陵泰和二學教諭秩滿太學士陳循時爲諸生請留終教遂陞教授併署本學事永樂十年陞國子監學正宣德五年勅輔弼大臣各舉所知

建寧府志

卷之三

長

李六

三百十二

是

楊文貞士奇舉顏才堪郡守擢惠州知府天性惻悞因俗爲政吏民愛之

章賜字永錫浦城人舉人蒐蘿經史文辭宏放任西安縣學教諭模範端方士林重之

潘賜字文錫浦城人進士才思高邁操履方正永樂中授行人出使日本回獻德化書永樂大典頒上覽之稱善陞禮部郎中轉鴻臚少卿再使日本還陞江西叅政仇家摘其詩句以妖言坐落職洪熙初起南刑部主事宣德間復除鴻臚

少卿復使日本朝廷深嘉獎勞未幾卒官

季琦字師韓浦城人父廉早逝母濮氏琦與兄若弟竭力奉養三世共爨財無私蓄母病籲天願以身代晚以貢任開化丞署邑事時山寇猖獗設奇捍禦境賴以安歲饑捐俸賑給士民德之卒于官

龔貴字廷璋浦城人舉人歷吳江武進知縣陞杭州知府清白自操所至興學教民雪冤理滯

詹淙字子源浦城人博文強記通陰陽地理星命

建寧府志

卷之三十一

長史

二十七

三百

五

卜筮諸書善圖畫竹菊累舉不偶正統三年以貢入太學歷上海進賢訓導四川聘典文衡號稱得人陞南昌縣學教諭秩滿遷潮州教授持身嚴毅所歷四學規條畫一

張巖字孔圭浦城人舉人任贛州府推官陞同知時汀邵寇侵贛境因之饑疫巖曲爲全恤瑞金石城二縣故無城城自巖始前後平反死獄四十餘人在郡十三年卒士庶奔哭爲之立碑子鳳鵬並登科第

丘魁字文元浦城人舉人任奉化咸寧二縣令其在奉化歲大歉請于朝蠲民租在咸寧擒賀堪廖章二賊丁艱補宜城以忤當道解印賦歸田二十詠自號景陶子

徐邦佐字之才浦城人正德中以恩貢廷試第一擢瓊州府推官讞獄平允征大羅山洞寇有功周鳳岐字文徵浦城人弱冠登進士授紹興府推官陞刑部主事議草忤中貴出爲太倉同知築七浦等塘民立碑紀績待詔文徵明爲之記

建寧府志

卷之三十一

長吏

六十八

三十一

是

徐伯相字良夫浦城人舉人授柳州府推官有荔波饒地沒于土官者且百年伯相力還之擢建昌同知南京戶部員外郎中調歸伯相靜定簡默酷嗜墳典所著有晝暇叢紀二十卷詩集十卷

徐浦字伯源浦城人舉進士授弋陽令奸民葉世豪聚衆煽亂親詣諭之設方畧擒其渠魁三十三人餘黨悉定擢工科給事中出爲廣西僉事解綬歸居鄉數爲有司言政鄉人德焉

徐栢字守卿浦城人進士授戶部主事堯通德二倉值米價涌貴令輸者納緡俟價稍損則轉糴克庾官民兩便之遷員外郎中徐沛河決工部尚書朱衡知其能移咨擢用贊襄疏淪分署六年出守廉州嚴飭海防月課諸士授湖北右叅政以不能逢合當事左遷四川副使竟報罷

姚英字彥實浦城人舉人署六合學諭擢海陽令潮民爲之立碑年八十八卒門人諫議林熙春誌其墓

建寧府志

卷之三

學

六九

三百六

徐兆驄字時乘浦城人幼喪母事父至孝雖處困極怡然自得學諭余永麟鄞人文敏有丁父也嘉兆驄清修名與文敏共學歲薦北上時文敏已在詞林矣或勸其就試京闈驄答曰遇不遇命也余公能賢于吾命乎隆慶二年就選補長汀訓導正已率物振植士氣擢諭廣昌轉連州學正凡五署邑篆俱無所染

潘應科字彥登浦城人由歲貢任利津訓陞含山教諭有鬻妻兒者捐所有代贖之俗多棄女應

科抱歸乳養及宦歸幾無以自存縣尹褚公任公屢造廬餽遺皆力辭不受

吳文贊字景臯浦城人以邑庠入胄監授廣安州同知州守張澤有廉聲文贊以能副之澤以治行超擢文贊攝守事川東妖寇起募善射者授以方畧伏殺渠魁李義等二十餘人餘黨宵遁子鍾英鄉薦

徐民式字用敬浦城人進士起家松江推官至安慶知府時陳文憲于陞當國請舉天下循良二

建寧府志

卷之三

風

七十

三百

星

千石處以京堂官而獨民式應其選歷巡撫應天吳中田土十九縉紳家其貧者復投托寄戶不供徭役民式請均之士大夫當復者以官高下爲差踰額者皆供役吳中縉紳大不便竟不能奪也朝旨爲繫令民式常言吾閩人寡援士宦當甘人後方不失爲海濱鄒魯其恬于仕進如此

徐萬仞字抑之浦城人進士授金華推官廉平不苛隣郡咸來就理署篆蘭谿不數月弊政悉除

勸民起溺女配減獲去狼鬪遷荊州同知荆在
門攤役一切行賈居送取給民間萬似爲設九
等法令民季出金吏自辦之擢戶部郎司權崇
文門奏入羨金千餘歲稔捐俸糜民歷曹郎出
守海寧罷門稅農民例金千數以贖鍰佐諸邑
備邊餉無重賦民築河防三十餘處全者數萬
家瘁卒于官無以爲歛當道賻之始得歸櫬

董良敬字慎甫松溪人以拔貢任浦城典史縣有
疑獄事涉豪貴縣令不能決一日再鞠名典史

建寧府志

卷之三

良敬

七十一

二百一
万

令坐于旁臨質時良敬出數語以折之兩造譌
然令乃投筆使爲讞語應手成詞竟坐豪貴法
令欲少爲周旋良敬抗聲曰今日之判衆目共
覩禍則典史當之不可更一字也後名爲侍御
史

楊賢字思齊松溪人以貢士除湖廣岳州府通判
署府篆凡府所罰贖次第登冊貯於庫新守至
與交盤畢隨以鍰冊進爲地方費同列議其矯
賢私語人曰此府鍰也前守旣去後守未來以

岳州還岳州分所應爾非矯也判岳三年陞江
西臨安府同知

吳瑾字士瑜政和人球十一世孫早授學於孝友
先生余應洪武間瑾由監生除常州府推官鞫
獄不事考掠囚引咎自服廉仁有聲後以再考
卒于京邸柩過常州郡民爭先哭奠

黃童字士穉政和人由監生擢陝西僉事左遷寧
遠縣丞永樂卽位超拜監察御史按南畿

游應運號叔西政和人以甲午鄉薦爲武城宰年

建寧府志

卷之三

良吏

七

三百十

方

五十得一子八歲爲負水者衝墮水死其人惶
懼投獄應連原其無心竟釋之後三年連舉二
子性孝友撫三姪如子宰武城建學宮修城隍
遇歲荒施粥賑民全活者甚衆丁艱去士民擁
送臨清州大哭而別行李蕭然

姜瑛字士傑壽寧人天順鄉薦當陽令撫字有聲
及去任民有古循良姜當陽之謠

周良字秉直壽寧人成化甲午貢士任浙江永嘉
主簿奉公守法嘗討寇有功民思慕之

張資字世用壽寧人弘治壬子貢任廣東按察司
經歷香山民爭海田百餘頃訟久不決資奉檄
往按一訊而決遷廣州同知未任卒

葉朝鎮字安之壽寧人嘉靖歲薦歷惠來令以廉
能著聲鞠獄雪張寶等一十三命之寃勦靖山
寇立鎮三華及破朱良保之營輿論以為不愧
循良云

葉朝奏字匡之壽寧人以恩拔任江西信豐知縣
性耿介不苟取後因忤當道立投劾歸葉文忠

建寧府志

卷之三十一

良吏

七十三

一百五十八

星

公甚親厚之稱為古之端人

建寧府志卷之三十一

終

